

Debaajmod: Elizabeth Panamick
Gaa-nishnaabewisidood: Alan Corbiere

Miinwaa ngoding mewzha n-wiikane, m-bakwaakdokemi niibing. Aa'sh, mtaakzidewag'sh gewiinwaa. Kosnoon oodi mkiznan. Gaawii wii-biiska-ziinaawaan niwi. Mtaakzidewag bkwaadokeyaang; mbakwaakdokemi. Mii'sh wii gewii naanhidaa moodaapkoonhs gaa-zhi-teg. Mii sa doondnang zhiwi aapji gii-oo-giishkzideshing wa. Niibna go gnabach...niizhodbagaanhs, nso-dbagaans mnik gii-kwaa wi gii-giishkzideshing wa. Gwetaag sa naa gaa-zhi-kwaatsagnaagzid. Mii gii-aaspinaad niwi n-mamaa niwi. Maanpii go gii-dzhi-zhiwebad wi. Mii'sh, "aaniish naa ge...[zhichgeying]?" kida sa. Gii-gpiiptoo dash. Oodi'sh go mdimowenh gidaaki zhanda, Lobzan'kwe gii-zhin'kaazo aw. Gii-gpiiptood, wewiib go. "Gii-giishkzideshin wa gwiiwzhenzhish," dinaan giienh. "Wegdagwen'sh iidig zhiwi getoowaambaane, maage mshkikwaaboo gegoo." Mii dash wi gaa-biidood, wi sa ni'ii min'gan. Miinwaa dash wgii-igoon niwi, "giishpin e-yaawaawdenh wa ziitaagni-gookoosh," na'aa, {Evelyn: nagay} -- enh, nagay -- "ka-gziibiignaa wa," wgii-igoon niwi. "Ka-gobnaa'sh niwi, gii-shkwaa-toowin maanda min'gan zhiwi. Mii miinwaa wa ge-sad zhiwi, gookoosh-nagay," gii-goona niwi. "Weweni go ka-aaspinaa." Mii sa go gaa-zhichged wi; gii-gobnaan niwi. Gwetaani-wewiib maaba gaa-ni-mnoyaad. Mii gego gii-ni-spoging wi gii-giishkzideshing wa. Nishke gewii wi.